



Na osnovu člana 26. i 28. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14-Ispravka) i člana 164. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14 – Prečišćeni tekst, 38/16, 44/17 i 28/18) Vlada Kantona Sarajevo na sjednici održanoj _____ donijela je:

Prednacrtno

UREDBA O DOPUNI UREDBE O SUBVENCIONIRANJU BORAVKA DJECE U PREDŠKOLSKIM USTANOVAMA NA PODRUČJU KANTONA SARAJEVO

Član 1. (Dopuna člana 5.)

U Uredbi o subvencioniranju boravka djece u predškolskim ustanovama na području Kantona Sarajevo ("Službene novine Kantona Sarajevo", broj: 9/20) u članu 5. iza tačke i) dodaje se tačka j) koja glasi:

“ j) djeca čiji je jedan roditelj umro od posljedica bolesti COVID – 19”.

Član 2. (Postupci koji nisu pravosnažno okončani)

Svi postupci koji do dana stupanja na snagu ove uredbe nisu pravosnažno okončani završit će se po odredbama ove uredbe.

Član 3. (Stupanje na snagu)

Ova uredba stupa na snagu danom objavljivanja u "Službenim novinama Kantona Sarajevo".

PREMIJER

Edin Forto



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo 3x,
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Za objavu u "Službenim novinama Kantona Sarajevo",
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



O B R A Z L O Ź E N J E

I - P R A V N I O S N O V

Pravni osnov za donošenje ove uredbe je član 26. i član 28. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14-Ispravka) kojima je propisano da Vlada Kantona u ostvarivanju svojih nadležnosti utvrđenih Ustavom donosi uredbe, odluke, rješenja i zaključke a da se uredbom uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Pravni osnov je i član 164. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14 – Prečišćeni tekst, 38/16, 44/17 i 28/18) kojim je propisano da će visinu subvencije smještaja djeteta u predškolsku ustanovu, te prava porodica koje smještaju više od jednog djeteta kao i druge kriterije utvrdit Vlada Kantona svojim propisom, u skladu sa materijalnim mogućnostima Kantona.

II - R A Z L O Z I Z A D O N O Š E N J E

Pandemija COVID-19 ili poznatija kao Pandemija koronavirusa, tekuća je pandemija nove bolesti dišnih puteva COVID-19 (skraćeno od Corona Virus Disease 2019).

Prema podacima Zavoda za javno zdravstvo F BiH u Kantonu Sarajevo je do sada bilo preko 40.000 oboljelih od bolesti COVID-19, a od posljedica navedene bolesti umrla su 872 lica (podaci od 29.3.2021.g.).

Razlog za donošenje predložene uredbe je ublažavanje socijalno ekonomskih posljedica Pandemije, posebno onih koje pogađaju najosjetljivije kategorije našeg društva – porodice i djecu.

III - O B R A Z L O Ź E N J E P R E D L O Ź E N I H P R A V N I H R J E Š E N J A

Član 1.

Ovim članom vrši se dopuna člana 5. Uredbe o subvencioniranju boravka djece u predškolskim ustanovama na području Kantona Sarajevo ("Službene novine Kantona Sarajevo", broj: 9/20) kojim je uređeno ko ima pravo na subvencioniranje boravka djece u predškolskim ustanovama u iznosu od 100% cijene boravka.

Predloženim članom propisuje se da pravo na subvencioniranje boravka djece u predškolskim ustanovama u iznosu od 100% cijene boravka ostvaruju i djeca čiji je jedan roditelj umro od posljedica bolesti COVID – 19.

Članovi 2. i 3.

Uređuju prelazne odredbe i stupanje na snagu predloženog propisa.

S obzirom da se radi o manjim intervencijama na propis, Ministarstvo je provelo konsultacije na način da je Prednacrt predmetne uredbe postavilo na svoju internet stranicu, uz pružanje mogućnosti za dostavu komentara putem interneta. Pritom je pozvalo Ministarstvo finansija, Ministarstvo za odgoj i obrazovanje, Ministarstvo zdravstva, Ministarstvo pravde i uprave, Javnu ustanovu "Kantonalni centar za socijalni rad" te općinske organe uprave, koji su nadležni da u prvom stepenu rješavaju o pravima koja su propisana predmetnom uredbom, da dostave komentare, uz slanje informacije o tome kako mogu doći do primjerka predmetnog propisa.

Za realizaciju ove uredbe nisu potrebna značajna dodatna finansijska sredstva.